

Class 10 Social Science

Lesson - 14

Bodo Medium

जॉनि मोनथाइ जॉनि बिबान

थामथि खोन्दी

सों 1. संबिजिर होनोब्ला मा बुजियो? जॉनि हादरनि संबिजिरनि सोमोन्दै गुवारै बुजायना हो।

फिन : संबिजिरा जाबाय गंसे हादोरनि आइन खान्थि थानाय गंसे बिजाब। नेम-खान्थिफोरा मा बायदि जानो हागौ बेनि लिरनाय आइन। बहुमनि गासै हादोरहानो गावबा गावनि संबिजिर दं। बे संबिजिरा लिरनाय एबा लिरनाय नडैबो जानोहागौ। जेरै- भारतनि संबिजिरा लिरनाय संबिजिर, नाथाइ इंलेण्डनि संबिजिरा लिरनाय गैयै संबिजिर।

जॉनि हादराव थानाय संबिजिरनि आयदाफोरा गाहायाव होनाय बायदि-

रायफोरनाय : भारतनि संबिजिरनि आदर्श आरो थांखिफोरनि सोमोन्दै मिथिनोब्ला संबिजिरनि रायफोरनायनि सोमोन्दै मिथिग्रोथारनांगोन। रायफोरनायानो जाबाय जुरिजेननाय। रायफोरनायखौ संबिजिरनि जिउमा, गोसोथि, दरखं मोखां आरो साबि होनना बुंजायो। भारत संबिजिरनि रायफोरनाया एरै बायदि-

जों भारतनि सरासनस्त्रा सुबुडा भारतखौ गंसे उदां, समाजखान्थियारि, दोहोरोम बासियि, सुबुं खुंथायारि, सुबुं राज्यो महरै गायसनगोन होनना गोख्रों सदबांसा लानानै आरो भारतनि गासिबो

सुबुंनो समाजारि, रांखान्थियारि आरो राजखान्थियारि न्याय, साननाय, फोरमायनाय, फोथायनाय दोहोरोम आरो सिबिनायनि उदांस्त्रि, समान मान आरो खाबु होगोन होननानै आरो बिसोरनि गेजेराव गावारि मान, हारिमायारि खौसेथि आरो गोरबलायनाय थि खालामग्रा बिदा- फंबाय सानलायनाय बांहोनो-दिनै 1949 मायथाइनि 26 नबेम्बरखालि जोंनि संबिजिर आफादा गनायनाय लिरथुमनाय बे संबिजिरखौ जों गावनो गथायबाय। "

1950 मायथाइनि 26 जानुवारि खालारनिफ्राय भारत संबिजिरखौ बाहायजेननाय जादोंमोन। मुंख 'नो गोनांदि बाहायजेननाय समाव रायफोरनायाव समाजखान्थियारि, दोहोरोम उदां आरो खैसेथि सोदोबफोरा गैयामोन। 1976 मायथाइनि 18 दिसेम्बरखालि जानाय संबिजिरनि 42 थि संबिजिर फोसावथाइनि गेजेरजोंसो बे सोदोब मोनथामखौ रायफोरनायाव सरजाबफानाय जायो।

उदां जारगोरा (Sovereign) : भारता गंसे उदां हादर। उदांस्त्रियानो जादों भारतनि देरसिन गोहो। अदेबानि बायजोआरियै भारता गुबुन हादरनि गोहोनि सिं नडा आरो इसियारियैबो भारत हादरआ गुबुन जेबो जर 'खा गोहोजों सामलायजानाय नडा।

दोहोरोम उदां (Secular) : भारता गंसे दोहोरोम उदां हादर। बेयाव सरकारि दोहोरोम होननाय जेबो थाया। सरकारनि नोजोराव गासैबो दोहोरोमानो समान आरो दोहोरोमफोरखौ लानानै जेबो फाराग थानाय नडा।

समाजखान्थियारि (Socialist) : भारता गंसे समाजखान्थियारि हादर। संबिजिरनि 42 थि सोदांनाय आयेननि गेजेरजों 1976 मायथाइयाव बे सोदोबखौ रायफोरनायाव सरजाबफानाय जादों। भारताव मानसिफोरनि गेजेराव आय, मर्यदा आरो जिउखांनायनि

मानदान्दानि बेलायाव फारागथि, एबा गोरोबलायि थानाय नडा।
दिहुननायनि आगजुफोरखौ हारिमायारि खालामनाय जागोन।
हारिमायारि आयखौ समान राननायनि गेजेरजों गलाय-गथाय
रांखान्थिनि गेजेरजों समाजखान्थि गायसननाय जागोन।

सुबुं खुंथायारि (Democratic) : भारता गंसे सुबुं खुंथाइनि हादर।
हादरनि खुंनाय खान्थिया सरासनस्रा सुबुंफोरनि थान्दैफोरजों
सामलायजागोन। सरासनस्रा सुबुडा हादरनि खुंनायखौ गावनि
थाखाय गावनो खुंगोन आरो खुंगिरिफोरा सरासनस्रा सुबुंफोरनि
थाखाय हाबा मावथारनांगोन।

सुबुं रायजो (Republic) : भारता गंसे सुबुं रायजो हादर।
हादरगाहाया सुबुंजों सायख'जानाय जागोन। हादर गाहाइनि
मानसिया फोलेरफारियै थिसनजानाय नडा एबा सोरजोंबा
सायख'जानाय जाया।

बिथोनारि खान्थि : संबिजिरनि बिथोनारि खान्थिनि गेजेरजों
हादोरनि जौगानाय, दावगानाय आरो सुबुं हामजाथिनि आइन
रनसायनो संसदहा मोनथाइ दं। अदेबानि बेफोर मोनथाइफोरा
बिजिरसालिनि बिजिरनायनि आयदा नडा। बेफोरबायदि गोबां आइन
जोंनि संसदा रनसायनानै सुबुं हामजाथिनि खामानिफोरखौ एबा
सार्थफोरखौ मावलांबाय थादों।

**सों 2. गथ 'नि मोनथायनि सोमोन्दै बुहुमनां खान्थि जागायनायखौ
सावराय।**

फिन : गथ 'नि मोनथाइ सोमोन्दै आथिखालाव दुलाराय बुहुमावनो
जावरिखांदोंसै। दावहानि फोजोबस्रांनाय आरो गथ'आ भुगिनाय
दुखुनांथाव थासारिनि मोनदांथिखौ बुजिनानै हारिमा आफादा

(League of Nations) बेनि गोनां आफ्ताद सुबुं मोनथाइ मिरु
(Centre of Human Right to) आ गासै हादोरनि खुंगिरिफोरखौ
गथ 'नि मोनथाइखौ गायसननायनि बिथोन होयो। बे बिथोना
एरैबायदि गोरामोनदि जाय हादोराव गथ' मावदांसाखौ थिसननानै
दिहुननाइखौ गुबुन हादराव हरदों, बेफोरबायदि हरनाय मुवाफोरखौ
बायनायखौ बन्द' खालामनाय जादोंमोन। गथ 'नि सोलोंथाइ,
खांनाय-बानाय, रैखाथिखौ गासै हादोरानो सिफायाबालानो मावफुंनो
थाखाय सुबुं मोनथाइ आयगा अरायबो नोजोर होबोदों।

गथ 'नि मोनथाइ नोजोर होनाया मानो गोनां होनबा? बुहुमनि गोबां
हादरानो गथ'फोरखौ बाहायनानै बायदि रोखोमै सुसिनायनि बिदिन्थि
दं। नाथाय दिनैनि गथ'आ गाबोननि नोगोरारि। सासे गोगो नोगोरारिनि
बिबान मावफुंनो थाखाय गथ'नो थि रोखोमनि सोलोंथाइ आरो
रैखाथिनि गोनांथि जायो। दावहा एबा हादोरनि जायखिजाया अलखद
समाव गिबियावनो गथ 'फोरा बोलि जायो।

जोनोम निफ्राय गथ 'सा समसिम गथ 'फोरा थगायजायो। बैसोगोरा
फोरनिबिथोन, सुसिनाय बायदिनि थाखायसो गथ'फोरा जेनोबा
जोनोमजादोंसो। बबेखानि जोनोमनि सिगाडावनो, हिन्जावसाब्ला,
बिब्दि गथ'आ लुबैजायै होनना साननाया जोंनि समाजाव दिनैबो दं।
न'खरावनो गथ'फोरखौ जिनाहारि खालामनाय बिदिन्थिबो दं। न'खर
सामलायनायनि थाखाय खुदियाखौ खामानियाव थिसननाय खामानि
बेरेखा आइन होनना आर्थिखालाव गनायनाय जाबाय।

खायसे जाथायफारिफोरखौ गोसोखां :

1. 1959 मायथाइयाव हारिमा आफ्ताद (League of Nations) आ
गथ 'नि मोनथाइ बिथांखि नाजावदों।

2. जॉनि हादोरा 1974 मायथाइयाव गथ 'नि हादोरारि खान्थि फोसावो।

3. बेनि अनगायैबो 1992 मायथाइयाव जॉनि हादोरा "गथ नि मोनथाइ आइन' नाजावदों।

मिथिनोगोनांदि, जॉनि हादोराबो गथ 'नि मोनथाइखौ थार खालामनो थाखाय जुनियायै जेबो राहा 1974 मायथाइसिम लायाखैमोन। गुबुन गुबुन आइनफोराव गथ'नि बैसोआ गोरोबामोन। माबेबा आइननि दफाबायदियै गथ'नि गोजौसिमाया 14 बोसोर, माबेबा आइन बायदियै 18 बोसोर एबा माबेबा आइन बायदियै 21 बोसोर होनाय दंमोन।

आथिखालाव जुलिनि बिथिडाव हौवासानि बैसोआ 21 बोसोर आरो हिन्जावसानि बिथिडाव 18 बोसोरनि गोजौ सिमा थि खालामनाय जादों। थारै गथ 'नि गोसोआरि सोलेरारि आरो सोलोआरि जौगानायनि सायावनो गंसे हादरनि सुबुंबिथायारि खामानि दामानिफोरखौ रुजुनो हायो। जायफोर हादोरा बेबादि आयदाफोरखौ खुंथायारि बिथिडाव सरजाबना लानो हायाखै, बैफोर हादरा सुबुंमोनथाइ आयगनि सेराव फिननाय होनो गोनां जादों।

जारिमिनारि बायदियै 1928 मायथाइयाव बुलगे 'रियायाव "गथ'सा सान" फालिनाय जादोंमोन। अदेबानि 1923 मायथाइनिफ्राय League of Nation (हारिमा आफाद) आव गथ'नि मोनथाइनि सोमोन्दै सावरायनाय जादोंमोन। आरो बे आफादा 1924 मायथाइयाव मोनसे फोसावलाइनि गेजेरजों गथ'नि मोनथाइफोरखौ थि खालामनाय जादोंमोन।

1. गथ'नि गासै बिथिडारि दावगानायाव हेंथा थानो हानाय नडा।

2. आंखाल, बेराम-आजार, गासैबोनि लोगोसे समान खाबु मोनै बायदि जोंनाफोरखौ होखारनाय।

3. अलखद समाव गिबियावनो गथ'फोरखौ रैखाथि होनांगोन।

4. जीव आरो थांना थानायनि थाखाय गथ 'खौ थियारि खालामनाय आरो गथ' 'फोरखौ अनागारि खालाम जानायनिफ्राय उदां खालामनाय।

5. गथ'खौ गावारि जौगानाय आरो मेलेमारि जैगानायाव फुरायै खाबु होनाय। मख'नांगोन दि, फ्रान्सआ जाबाय बहुमनि सेथि हादोर, जाय हादोरा गुदि फरायसालिनि हाबलांग्रा दरखंआव गोजौनि मोनथाइ सोमोन्दै लिरनानै सिलार आलायना दोनदोंमोन।

नैथि मुलुग दावहानि सिगां सिगां हारिमा आफादा जोबना थाडो आरो 1945 मायथाइयाव नैथि मुलुग दावहानि उनाव हादोरारि आफाद (United Nations) दाजायो। 1959 मायथाइनि 20 नबेम्बराव हादोरारि आफादा सिगांनि फोसावथाइखौनो गुवार महरै फोसाबफिननायसै। दिनैबो 20 नबेम्बरनि सानखौ मुलुगनां गथ' मोनथाइ सान हिसाबै दुलाराय बहुमावनो फालिनाय जायो। जोंनि हादोरनि गिबि गाहाइ मन्थि जवाहरलाल नेहरुनि जोनोम सानाव 14 नबेम्बर सानखौ "गथ'सा सान" महरै फालिनाय जाबोदों।

सों 3. जोंनि हादोरनि गथ 'सा मोनथाइनि बायदि बिथिंफोरखौ सावराय।

फिन : गोसो होनोगोनांदि जोंनि हादोरावबो खुदियानि मोनथाइ सोमोन्दै जेबो आइन रनसायनाय जायाखैमोन। हादरारि आफादनि

सावरायनाय आरो दुलाराय मुलुगावनो जानाय गोख्रों सुबुं बिबुंथिनि फारसे गोसो होनानै जोंनि हादरनि आइन रनसाइगिरिफोरा खुदिया मोनथाइ आइन दानो बाध्य जादोंमोन। 1974 मायथाइयाव "गथ 'नि थाखाय हादरारि खान्थि" फोसावजादोंमोनब्लाबो 1988 मायथाइयाव गथ' मावदांसा (Child Labour) आइननि गेजेरजों गथ'नि खामानियाव थिसननाय एबा मावनायखौ बन्द खालामनाय जादोंमोन 1992 मायथाइनि 11 डिसेम्बराव "ग 'थनि मावदांसा आइन" नाजावनाय जायो।

2002 मायथाइयाव संबिजिराव गुदि मोनथाइयाव 20 (क), दाजाबदेरनानै 6 बोसोर निफ्राय 14 बोसोरहालागै गासैबो गथ'नो सोलोंथाइ मोनथाइ होनाय जायो। 1976 मायथाइयाव गथ'नि उदांस्त्रि आरो मानखौ संबिजिनि 39 (च) फारिलाइयाव होनाय जादों। बेनि सिगाडावनो, बिथोनारि खान्थिजों 3 (ङ) आव गथ'नि मावदांसा थिसननायाव हेंथा खान्थिखौ मुंख 'नाय जादोंमोन। 2002 मायथाइयाव संबिजिरनि 45 फारिलाइयाव गथ 'नि 6 बोसोर सिम सरकारा रैखाथि होनायनि खान्थि नाजावदोंमोन। 2000 मायथाइयाव गथ 'फोरनि साजानि बेलायाव लानोगोनां राहानि सोमोन्दै मोनसे आइन रनसायनाय जायो (गथ' नियाय आइन 2000)

अदेबानि जोंनि हादरनि गुदि मोनथाइयाव रावबो गथ'आनो धोरोम, बिमा-बिफानि आरजिनायनि सायाव बिथा खालामनानै एबा जाथि हारि सायख'नानै सिगांग्रो खाबु मोननाय नडा होननानै आरो गासैनिबो समान मोनथाइ गायसनजागोन होननानै बुंनाय जादों।

हादोरारि आफादा गथ'नि मोनथाइ सोमोन्दै लानाय राहाफोरा गासैबो हादोरावनो बाहाय जायो। जायफोरा एरैबायदि—

(क) थांना थानायनि मोनथाइ : बे मोनथाइया जोनोमनिफ्राय 14 बोसोरसिम थाद'नाय गैयै सरकारनि नोजोर। हिन्जावसा गथ 'जागोन होनना गोरबो सिथारनाया दानिया आइनआरि दायगोनां जाबाय। गथ'नि जोनोमनि मोनथाया थार। बे समाव सरासनस्त्रायै थांनाथानो गथ 'नो गोनां जानाय आदार जगायनाय, थि मर्जदा, न'खरजों थानाय मोनथाइ बायदि होनाय जादों।

(ख) साफ्रोमबो खुदियानो समाजनि जानोहाथाव खैफोदफोरनिफ्राय रेखाथिहोनायनि बिबान दं। बबेखानि न 'खरनि गेजेरावनो जानो हानाय बायदि रोखोमनि असमाजारि खामानियाव थिसननाय एबा नारसिननानै बिब्दि खामानिखौ मावहोनायखौ आइन हेंथा खालामनाय जादों।

(ग) साफ्रोम गथ 'नि राइजोआरि आफाद एबा खुंथाइफोराव उदाडै बाहागोलानायनि मोनथाइखौ रैखाथि होनाय जादों। न 'खरनि मानसिफोरा रावबो गथ 'खौनो उदाडै बाहागो लानायाव हेंथा होनाया मोजां जानाय नडा।

(घ) साफ्रोम गथ'नि जौगानायनि थाखाय गोनां बायदियै राहा लानाय। गथ'लानानै गथ' खायसे गथ 'फोरनि मेलेमनि गोहोआ गुबुन गथ 'फोरनिखुइ जोबोद गोबां। बेबादि गथ 'फोरनि जौगानायनि खाबुखौ होनांगौ।

(ङ) बयनिखुइबो गोनांसिना जाबाय साफ्रोमबो खुदियानि सोलोंथाया जोबोद गोनांथार। जोंनि हादोराव 6-14 बोसोरनि सोलोंथाइखौ बेसेन होनाडै आरो गोनांथार खालामदों। न 'खरनि मोनसिया गथ 'खौ फरायसालिसिम दैथायहरैया आथिखालाव दायनिगिरि।

एसेबांमानि आइन रनसायनाय जादोंब्लाबो जों नुदों लामा-दथाफोराव
सानस 'हायै गथ 'फोरा मानगयै, निखावरिथि आरो न 'खरनि रैखा
बेंखनथिनिफ्राय सिखोमाजानानै आलाइ-सिलाइ जिउ खांदों।
न'खरनि रांखान्थियारि गाज्जि हाल-साल एबा न'खरनि सोरबा
मानसिनि गाज्जि हुदानि थाखाय गथ'आ जानांदों मोनसे मुवाबायदि।
खम बैसोआव हाबा जानायनि जाउनाव खायसे बिन्जावसा गथ'
देहायारि फुंखाडैयाव भुगियो, न 'खरनि गोनांथियाव गोब्राब खामानि
मावनाया बिब्दि देहायारि फुंखाडैनि जाहोन जाना फैयो।

बहुमाव, गथ'नि मोनथाइ सोमोन्दै गिबियावनो सानग्रोनाय सुबुंडा
जादोंमोन इगलेन्टिन जेब' (Eglantyne Gebb)। जोंनि हादरनि
नबेल बान्था मोनगिरि कैलास सत्यार्थीनि सोमोन्दै नोंसोर मिथिना ला।
पाकिस्ताननि नबेल बान्था मोनगिरि आइजो मालाला युछुफजाइनि
बाथ्राखौबो फराय। बिथाडा आयजो गथ' मोनथाइनि सायाव
नोजरबोनानै दुलाराय बहुमावनो बाखनायनाय बुथुमनो हादों।

सों 4. बहुमनि गंनैसो हादोराव गथ 'नि मोनथाया माबोरै गैयै
खालामनाय जादों साथाम-साब्रेजों लोगोनांनानै मोनसे मावथांखि
बानाय।

फिन : (a) इछलामिक स्टेटनि (isis) नि मुडाव दुलाराय बहुमनि
मुसलमान गोबां थानाय हादरफोराव थिउरियाबादी
खामानि-दामानिफोराव गथ 'फोरखौ लोबबा खालामफादों।

पाकिस्तान आरो कास्मीराबो बे बिथिडाव उन जाना थायाखै।
दुखुनांथाव बाथ्राया जाबाय हिन्जावसा गथ 'फोरनि हाल-साला जोबोद
दुखुनांथाव जादों। बिसोरखौ फुथलाफोरबायदि बाहायदों
थिउरियाबादिफोरा। मालाला सुछुफजाया बे बादि जाथाइफोरखौ
बहुमनि सिगाडाव बोदलाना होदों। खायसे जाहोनाव जेरै रानस्राव,

आंखाल, सान्त्रियारि गाग्लोबनाय बायदिनि गोहोमा हादोरनि सरासनस्त्रा नोगोरारिफोरनि जिउ खांनाय राहाखौ हेंथा होयो।

बिब्दि जाहोनाव सान्तिनि थाखाय गावनि जोनोम जायगाखौ एंगारनानै गुबुन जायगासिम थाथाइ एबा नबथि नागिरनानै थाडो। तुरस्क बायदि हादोरनिफ्राय इउरपसिम थांनाय प्राय गोबां बोसोर थाद 'नाय गैयै बायदि सुंबुं बोहैथि बोहैनो हमदों। लेटिन अमेरिका हादोरफोरनिफ्राय आमेरिकासिमबो बिब्दि सुंबुं बोहैथिया सोलिगासिनो दं। फिसा-फिसा नाव लानानै लैथोमानि बिखायाव जिउखौ हेव गियान खालामनानै बे सुंबुं दावबायखारग्राफोरा सान्ति नागिरनानै थांदों इउरप आरो आमेरिकायाव। गुबुन फारसेथिं, म्यानमारनिफ्राय खम सुंबुंनि र 'हिडि'याफोरखौ अनागारि खालामनाय जादों। र 'हिडि'याफोरबो जायगायारि थागिरि सानैसोखौ अनागारि खालामनानै बुथारनाय बिदिन्थिबो होदों खोमथाइगिरिया।

(b) नाइजेरिया : बे हादोराव वक' हाराम मुंनि मोनसे थिउरियाबोदी आफादा गथ'फोरखौ ज'र- जुलुमै थिउरियाबादि आफादाव हाबहोदों। गुबुन फारसेथिं बे हादोरनि निखाउरिथिया हादोरनि गथ 'नि इयुनखौ बेंगुरा खालामदों। आखाइयाव गिलु-बालु हाथियार लानानै सान्त्रिफोरनि हेंथायै दावहा होदोंसै गथ 'फोरा।

(c) इकुवेडर : सान्त्रियारि हान्जानि हेंथायै उदांस्तिनि थाखाय जुजिनाय इकुवेडरनि- सोलोंथाइ फसंथानफोराव आथिखालाव आथोनारि दायगोनां खामानिफोरा बांबोनो हमदों। बे हादोरनि समाजारि दाथायाबो बायलांनो हमदों। मोनफ्रोम आफादानो हाथियार लानानै गथ 'फोरखौ बाहायदों। हिन्जावसा गथ'फोरनि हाल-साला जोबोरैनो दुखुगोनां जादों।

(d) **भारत** : जोंनि संबिजिरा एबा गुबुन गुबुन आइनफोरा जेसेनो रैखाथि होआमानो आथिखालाव भारतनि लामा-द' थाफोराव गारनाय जाबोर दामोलफोरनि उन उन हान्जायै हान्जा गथ 'फोरा नागिरथिनायखौ जों नुनो मोनो। गथ' दांसा बाहायनायखौ दिनैसिमबो बन्द' खालामनो हायाखै। गथ' सोलोंथाइ (6-14) खौ गोनांथार खालामसेयावबो बेफोरनिफ्राय गंथ 'नि मोनथाइया थार जायाखै। सोलोंथाइनिखुइ आरजिनायखौ बांसिन गोनांथि होनानै न 'खरनि गाहाइया खामानियाव गथ 'फोरखौ बाहायगासिनो दं।

सों 5. बोसोरफ्रोमबो जों खायसे सानफोरखौ जर 'खायै फालिबोगासिनो दं। बेफोरबायदि खायसे सान गाहायाव सुंख 'नाय जाबाय। मोनफ्रोमबो सानखौ नोंसोरनि खाथि-खालायाव माबोरै फालिनाय जादों रादाब बिलाइ आरो सावगारिजों मावथांखि थियारि खालाम।

फिन : (क) 26 जानुवारि, सुबुं सान।

(ख) 1 मे, मुलुग दांसा सान।

(ग) 5 जुन बुहुम आबहावा सान।

(घ) 21 जुन, मुलुग य 'गा सान।

(ङ) बिमा सान रबिबार मे दाननि नैथि।

(च) गथ 'सा सान 14 नबेम्बर।

(छ) 8 मार्च मुलुगनां आइजो सान।

(ज) मुलुगनां थाखु हेंथा सान- मे 3

(झ) मुलुगनां सुबुं मोनथाइ सान 25 डिसेम्बर।

(ञ) 20 नवेम्बर, मुलुगनां गथ' रैखाथि सान।' (गासै फालिथाइजों सोमोन्दो लाखिनानै पष्टार, फेष्टन बानायनानै गाहाइ फोरोंगिरिनि होमोनथाइ बायदियै फरायसालिनि हाबलांग्रा लामानि खाथि-खाला दिन्थिफुङ्ब्ला मेगनाव नांथाव खालामनो हायो।)

सों 6. गेब्रेनाय (गुबुंले जानाय) होनब्ला मा बुजियो? बहुमनि जिउ माहारिया मा मा गेब्रेनायाव भुगिनो हमदों?

फिन : जोंनि सोरगिदिं थानाय बारमण्डलखौ आम्रय लानानैनो गासैबो जीबा थांना दं। जिबनि थाखाय गोनां अक्सिजेन आरो बिफां-लाइफांनि थाखाय गोनां कार्बन-डाइ-अक्साइड। थामहिनबा जिबा अक्सिजेन लायो, बिफां लाइफांआ बेखौ एंगारो। थिकबेबादिनो जिबा एंगारनाय कार्बन डाइ अक्साइडखौ बिफां-लाइफांआ लायो।

नाथाय बहुमनि सोरगिदिं गेब्रेनाया एरैबायदि बांदोंदि जीब फोलेरा जोबस्त्रांनो थांगासिनो दं। जीब आरो बिफां लाइफांफोरनि गेजेराव थानाय सोमोन्दोआ बायलांनो हमदों। बारमण्डलाव अक्सिजेन खमायलादों, गुबुन फारसेथिं कार्बन मन' अक्साइद बायदि बिसगोनां गेसा बारायनो हमदोंसै। बे मुलुगनि आबहायाव जिब फोलेरनि थांना थानायखौ जाथाव-खालामना लाखिनो हानायानो जादों आथिखाल सुबुं समाजनि गिलिर बिबान।

जोंनि सरगिदिं जेराव मेरावनो जाबोर-जोथोर गारनानै दोननाया गोनांनडः एम्फौ-एनलानि जोनोम होनायाव हेफाजाब होदों। एन 'फिलिछ, डेंगु बायदि थामफैनि गिलुबालुजों मानसिफोरा गोबाव सान

दावहा होनोगोनां जादों। जोंनि जाबोर जोथोरा बहुमनि लैथो
बाहागोआव 13 निजुत टन प्लास्टिक जमा खालामनो हमदों।
गारनाय जाबोर-जोथोर प्लास्टिकफोरा नाला जामफैफोरखौ बन्द'
खालामनानै दैबाना सोमजिहोदों।

गारी-मथरफोरा खाममोन थावनि हेफाजाबाव सालायो, नाथाय बे
खाममोन थावा खामोबोला बारमण्डला गेब्रेडो। आथिखालाव
आबादनिफ्राय दिहुनजानाय गारजामुवा जिगाब बायदि सावनायाबो
बारखौ ग्रेब्रोंहोनायाव मदद होयो होनना साननाय जादों। बार
गेब्रेहोनायनि गाहाइ बिफावखौ लादों बांसिनै जिबफोरनि गेजेराव
देरसिन रोंसिन मानसिफोरानो।

गुबुन फारसेथिं मुखुब सोहोरफोराव जानाय सोदोब गेब्रेनाया सानसे
मानसिखौ खैफोदाव खोख्लैगोन होनना बुंनाय जादों।
दारिमिनसालिफोरनि गात्रि मुवाफोरा नाला-जामफैफोराव
दैमा-दैसाफोराव गोग्लैफैनानै आबहावाखौ गात्रि खालामनो हाया
बेनि फारसे राहा लानांगोन। गोथां आरो गोरजा दास्टबिननि
बाहायनायखौ थार खालामनांगोन। आथिखालाव सरखाराबो- "स्वच्छ
भारत अभियान" सरकारि हाबाफारिनि गेजेरजों आबहावा गेब्रेनाय
आरो साखोन-सिखोननि खामानि-दामानि मावनो लानाय नुनो मोन्दों।

बहुमनां आबहावा सानजों लोगोसे सोमोन्दो लाखिनानै फरायसालिनि
बायजोआव एबा फरायसालियाव साफ्रोम
फरायसा-फरायसुलिफोरखौ दंफां गायनो होनांगौ।

मोननैसो स्ल'गान होनाय जाबाय-

(क) बिफां-लाइफां थाब्लासो मानसि थागोन।

(ख) फांसे दंफां दानब्ला फां जि दंफां गाय।

(ग) दंफां गायनानै बुहुमखौ सोमखोर खालाम, गोगो बारजों देहाखौ थाजिम खालाम।

सों 7. लामा जाब्र 'थायनि जाहोन आरो बेनि लानोगोनां राहाफोरखौ सावराय।

फिन : जों सान हर लामा जाब्र 'थाइ सोमोन्दै दुखुनांथाव जाथाइफोरखौ नुयो आरो खोनायो। मानो बिब्दि जाब्र 'थाया हाजार हाजार मानसिनि जिउ लायो, थारैनो सोरबा सासेया दायनिगिरि, रैखाथिनि बिथिङाव गोसो होयै। बेनिखायनो हादोरारि आफादाबो लामा जाब्र 'थाइखौ होबथानायनि थाखाय "लामा रैखाथि " सान फालिनो हांखायदों। जोंनि हादोरा बोसोरनि गिबि हाबथायावनो बेबदि हाबथाखौ फालिदोंमोनब्लाबो खायसे जायगायाव जोबोद गुसुनि थाखाय लामा थांलाय-फैलाय खालामनायखौनो बन्द' खालामनो गोनां जायो आरो बिब्दि जायगाफोरा सुबुंमोखां फोसाव दिंनायनिफ्राय सिखोमा जायो।

गिबियावनो गोसो होनांगोनदि, लामा सामायाव खालि मथर -गारिल' सालाया। रिक्सा, थेलागारि, साइकेल आरो आथिं हान्थिग्राफोराबो लामाखौ बाहायो। रावबो मटर-गारिखौनो नेमनि गोबांद्राय खारथायाव सालायनो होनो नाडा। आथिखालाव गोदान गारिफोरनि खारथाया जोबोद बांद्राय, बेनि रुजुनायाव लामाया नाथाय गुसेब। माबेबा माबेबा लामायाव गुवारै गंसेनि बारा गारि जायगा गैया। बे बायदियाव गोबां खारथायाव फैनाय जायखि जाया गारिया जाब्र 'थाइखौ एंगारना सोलिनो हाया। आगसिजों थाबायनाय, गेदेर महरनि गारिफोरा फिसा फिसा गारिफोरनो लामा हगारना होनाय, गुबुन गारि बारलांनायाव जेब्लाबो आगदाजों थांनाया (overtake) जोबोरैनो गोनांथार।

फारसेथिं साखाथोंनै गारि सालाइनायाव हेलमेट गाननाया गोनांथार (mandatory)। गंनै साकागोनां गारिया लांदांनि थाखाय लानो गोनां सांग्रांथिनि सायाव गोबां गोसो होनाय जादों। उदांनि थाखाय सोर आइना बायदियाव जीब सोलेरा नाडोब्ला लोगो लोगोनो जाब्र 'थाया गिलु-बालु जानायखौ नुनो मोनो। बेनिखायनो खारथाइखौ लासै एबा नेमनि खालामनायाव सालायग्राफोरा सांग्रां जानांगौ।

आथिखालाव साखा गंब्रै थानाय गारिफोराव सालायग्रा एबा जग्रा मासि (seat) जों बेल गाननो हानाय (seat belt) नि राहा दं। बेबादि बेलखौ खानाया जोबोद गोनांथार। गारिनि दरजाया बन्द' जादोंना जायाखै सिगाडाव 'मनिटर' खौ नायना लानो हागौ। बिब्दि बिरेंदामिना (technology) सिगाडाव आंखालमोन। थारै, जों सांग्रांजायोब्ला जाब्र 'थायखौ खामायनो हायो। जाब्र 'थायखौ आइनारि महरै "गसाइनि लुबैनाय" (vis major) होननानै बुंनाय जायोब्लाबो, सांग्रांथिया जाब्र 'थायखौ गोबां बिबाडै' खम खालामो।

लामा बारनायाव जेब्लाबो जेब्राक्रसिं बाहाय नांगौ। जेब्राक्रसिंआ लामा बारलांनायनि सिन। बे सिननि गेजेराव जाब्र'थाय जायोब्ला सरकारा गासैबो खरसाखौ होनायनि नेम दं।

सों 8. थांखु होबथा सानखौ माब्ला फालिनाय जायो? थांखुनिफ्राय जानो हानाय बेरामफोरनि मुं लिर। थांखु सोबनायखौ बन्द' खालामनो नों मा मा राहालानो बोसोन होगोन?

फिन : मे दाननि 31 खालाराव थांखु हेंथा सान महरै गासै मुलुगावनो फालिबोनाय जादों। थांखु सोबनाया एबा जानाया बुहुमनि गंप्रोम हादोरनि सुबुंनि थैनायनि हारखौ बांहोदों। सफल', बिखा-बिख्लो, गारामा, खुगा दन्दर बायदि जायगाफोराव थांखु सोबग्राफोरा

गानोरोडैः बेरामाव गोग्लैयो। बुहुमनां सावस्त्रि आफादा (WHO)
थांखुनिफ्राय जानो हानाय बेरामफोरनि फारिलाइखौ मुंख 'दों।

थांखुआ जाबाय रोखोमसे लाइफां। जिब-जुनारफोरनि गेजेराव बे
रोखोमनि मुवाखौ मानसियाल 'सो सोबो एबा जायो। बेयो रोखोमसे
निसागोनां (फेग्रा) लाइफां। बेखौ बायदि रोखोमै मानसिया लायो। गुर
मिथाइजों थांखुनि गुन्दैखौ नाना होयोब्ला निसानि बिबांआ बांनायनि
थाखाय बेफोरबायदि न 'आवनो बानायनाय मुवा जेरै सिलिम, हंखा
बायदि बाहायनाय नुनो मोनो। सुनैनि लोगोआव मिलायनानै
लायोब्लाबो थांखुनि निसाया गोख्रों जायोखायनो सादा महरै
बाहायनाय जायो। गुबुन फारसेथिं मानसिफोरनि मोजां मोनजानाय
हुदाया जाबाय सिगारेट आरो बिरि सोबनाय।

थांखुआव थायो, जोबोद गिलु बालु जिबदेहानि खहा खालामग्रा निक
'नि, तार। फर्मेल्डि हाइद, एमनिया, हाइद्र 'जेन चायेनाइद बायदि
बिसगोनां मुवा।

दुथां सोलोनि मानसिफोरा बैसोरायै गथ' एबा सेंग्रासा
सिख्लासाफोरखौ बेफोरबायदि मुवा बाहायनो बायदि रोखोमनि गाज्रि
थुलुंगा होयो। थांखिया मोनसेयानो बिसोरखौ गाज्रि हुदा
खालामहोनानै जोबस्रांनायनि लामाथिं लांनाय। बेफोरबायदि
दुथांसोलोनि मानसिफोरनिफ्राय फरायसा फरायसुलीफोरा सांग्रां
जाना थानांगौ। बेफोरबायदि सुबुंनि गाज्रि सोलोफोरखौ राइजोनो
मिथिहोनाया मोजां।

आं सानो थांखु सोबनायनि हेंथायै फरायसालियाव जों बेनि गाज्रि
गोहोमखौ होबथानो थाखाय मोनसे हान्जा दाना लानाया मोजां
जागोन।

सों 9. जोंनि हादोरनि बिसायखथिया माबोरै जायो, नोंनि रोंगौथिनिफ्राय लिर।

फिन : 1947 मायथाइनि 15 आगष्टआव भारता गंसे उदांसि हादोर जादोंमोन। दा बेयो गंसे सुबुंखान्थि (democratic) हादर जाबाय। सुबुंखान्थिनि गुबै बिथाया जाबाय सुबुडा सायख'नाय थान्दैफोरा हादोरनि खुंथाइखौ सामलायो। बिथांमोनखौ आइनदागिरि बुंनाय जायो। नेम रनसायनायनि अनगायैबो आरो मोननै बिफाना पालिका (judiciary) आरो मावफुंगिरि (executive) आ आलादा आलादायै बाहागो लायो। सुबुंखान्थिनि हेंथागैयै उदांस्तिनि रोंगौथिया बहुमाव बांसिन हादोरनो बे राहाखौ गनायना लाहोदों। गुबुन मोनसे राहाया जाबाय समाजबाद।

जोंनि हादरनि बिसायखथि राहाया जोंनि फरायसालिनि फरायसाफोरनि गेजेराव गुबुन गुबुन मासिनि थाखाय जानाय बिसायख'थिजों एखे। अदेबानि जोंनि फरायसालियाव गोथों (थोंजों) मासिनि थाखाय बिसायख'थि जायो। गिबि मन्थि, सावस्ति मन्थि मासिनि थाखाय बिसायख'थियाव बाहागो लायो, बांसिन अनजिमा थानाय दोलोआ बे दोलोनि सरकार दानानै मन्थि आफादखौ सायख'ना लायो।


संबिजिरनि 15 थि आयदानि फारियाव 324-329 आव हादरनि बिसायख'थिनि राहा खान्थिफोरखौ बेखेवनाय दं। खान्थि बायदियै हादोराव बिसायख'थि जायो मोनथाम रोखोमें (क) हायुंगिरि, लेडाइ हायुंगिरि एबा रायजो आफादनि संसद। (ख) सुबुं आफादनि थान्दै आरो (ग) आइन आफादनि थान्दै। हायुंगिरि, लेडाइ हायुंगिरि आरो राइजो आफादनि थान्दैखौ सरासनस्त्रा सुबुंआ सायख'आ, थान्दैफोरासो सायख'यो। सुबुं आफाद (Laka Sabha) आरो आइन आफाद (Legislative Assembly) नि बिसायख'थियाव 18

बोसोरनि सायाव साफ्रोम नोगोरारियानो थोंजोडै बाहागो लायो। जोंनि हादोरनि संसदारि नेम बायदियै साफ्रोम मन्त्रियानो संसदनि सोद्रोमा जानाया गोनां।

जोंनि फरायसालियाव अदेबानि साफ्रोमबो थोंजोडै मन्त्रि महरै बिसायख'थियाव बाहागो लायो। उदायगोरोंखौ जों बिसायख'यो गुबुन फारसेथिं फरायसालिनि बिसायख'थियाव इ.भि.एम बाहायनाय जाया। माब्लाबा माब्लाबा जों मन्त्रि बिसायख'नायाव फरायसालियाव सादारन आफाद खुंनानै बिथांखौ थांखिनानै आरो मदद होनानै मन्त्रि सायख'यो। सुबुंखान्थियारि राहाजों बेखौ बिसायख'नाय जायो।

सों 10. जोंनि हादोरनि गांसे मानसावगारिनि हेफाजाबाव रायजो, राजथावनि, आइन आफादनि मासि, सुबुं आफाद (Loka Sabha) आरो राइजो आफाद (Rajya Sabha) नि संसदनि सोद्रोमाफोरनि फारिलाइ थियारि खालाम।

फिन :



रायजो	थान्दैनि आनजिमा		लक सभा	रायजो सभा
	राजथावनि	आइनआफाद		
1	2	3	4	5
सानजा ओनसोल				
1. आसाम	दिछपुर	126	14	7
2. मनिपुर	इम्फल	60	2	1
3. मेघालय	शिलं	60	2	1
4. नागालेन्द	क हिमा	60	1	1

5.	अरुनाचल प्रदेश	इटानगर	60	2	1
6.	मिजराम	आइजाल	40	1	1
7.	त्रिपुरा	आगरतला	60	2	1
8.	चिकिम	गेंटक	32	1	1
9.	बिहार	पाटना	243	40	16
10.	उरिष्या	भुबनेश्वर	147	21	10
11.	चतीचगड़	रांयपुर	90	11	5
12.	झारखन्द	राँछी	81	14	6
सा ओनसोल					
14.	जम्मुआरो काश्मीर	श्रीनगर	87	6	4
15.	पान्जाब	चन्दीगड़	117	13	7
16.	हारियाना	चन्दीगड़	90	10	5
17.	हिमाचल प्रदेश	चिमला	68	4	3
18.	उत्तर प्रदेश	लक्ष्मौ	403	80	31
19.	उत्तराखन्द	डेराडुन	70	5	3
20.	मध्यप्रदेश	भुपाल	230	29	11
खोला ओनसोल					
21.	अन्ध्रप्रदेश	अमरावती	175	25	11
22.	तल्लैगाना	हायदरबाद	119	17	7
23.	कर्नाटक	बेंगलूर	224	28	12
24.	तामिलनाडु	चेन्नाई	234	39	18

25.	केरेला	त्रिबान्दम	140	20	9
सोनाब ओनसोल					
26.	महाराष्ट्र	मुम्बाइ	288	48	19
27.	ग'वा	भास्क'डा गामा	40	2	1
28.	गुजराट	गान्धीनगर	182	26	11
29.	राजस्थान	जयपुर	200	25	10

मिरुजों खुंजानाय	ओनसोल	राजथावनि लक'सभा	थान्दै आनजिमा राज्य सभा
1	2	3	4
1. आन्दामान /निकबर	पर्टब्लेयार	1	X
2. चण्डीगड	चण्डीगड	1	X
3. डाडरा / नागर हाभेली	छिलभछा	1	X
4. डमन दिउ	डमन	1	X
5. पण्डिचेरी (पुरुचेरी)	पण्डिचेरी	1	1
6. लक्षादीप	कावाराटी	1	
7. दिल्ली	गोदान दिल्ली	7	3

ल'कसभानि सोद्रोमा : $(530 + 13) = 543$

रायजोसभानि सोद्रोमा : $(229 + 4) = 233$

रायजो सभासिम साख 'जानाय सोद्रोमानि अनजिमा = 12 सा

सों 11. सावस्त्रि रैखानि नेमखान्थिफोरनि गांसे फारिलाइ थियारि खालाम।

फिन : सावस्त्रि रैखाथि थाखाय जों बयबो जेब्लाबो सांग्रां जानाया मोजां। बेबादि सांग्रांथिनि थाखाय गाहाइयाव होनाय फारिलाइनि आयदाफोरखौ मानिना लानाया मोजां—

(क) लोंनाय दैया जेब्लाबो गोगो जानाया मोजां हाखरनि एबा दैमानि दैखौ गोगो खालामाजासे लोंनो नाडा। अन्याइ, बाला आरो हांगारनि गलायमोन्देरा दै गोगो खालामो। बिब्दि दैखौबो नाथाय फुदुंनानैसो लोंनांगौ।

(ख) उदां जायगायाव खियोब्ला समाजनि गाज्जि जायो। बेरामीफोरनि खि-हासुदैया खिखरसालिनि गुबुन गुबुन बिजोंनि गेजेरजों गुबुन मानसिनि देहायाव हाबो।

(ग) गासै फरायसाफोरा सम बायदियै सिथा लादोंना लायाखै आनजाद नायनांगौ।

(घ) फरायसा-फरायसुलिफोरा फेग्रा मुवा बाहायनायखौ फुरायै बन्द' खालामनांगौ।

(ङ) सम बायदियै खानाइ, आसुगुर हानाय, साखोन सिखोन थानाया मोजां।

सों 12. गथ 'नि मोनथाइफोरा मा मा? बे मोनथाइफोरखौ मानो रैखा होनांगौ?

फिन : हादोरारि आफादनि फोसावलाइनि गेजेरजों गाहायाव मुंख'नाय मोनथाइफोरा गथ 'नि थाखाय गोनां होनना बुंनाय जादों। बे मोनथाइखौ जिनैथि उदांस्ति होननानैबो मिथिनाय जायो।

(i) गोगो अननाय गोनां आरो रैखाथि आबहावानि उदांस्ति।

(ii) सावस्ति आरो पुस्तिगोनां आदारनि उदांस्ति।

(iii) गोगो लोनाय दै, रैखाथि आबहावानि उदांस्ति।

(iv) गुन गोनां सोलोंथाइनि उदांस्ति।

(v) गासैबोनि थाखाय समान मोनथाइ।

(vi) गासै गथ 'नि थाखाय खमैनो सासे बैसोगोरा जोथोनलानायनि उदांस्ति।

(vii) न 'खरजों लोगोसे थानायनि उदांस्ति।

(viii) उनाव सासे नोगोरारि जानायनि उदांस्ति।

(ix) जायफोर बिथिंआव गथ'आ भुगिनो हागौ, बेफोर बिथिडाव गथ 'नि अजदखौ खोनासंनाय आरो बेफोर बिथिडाव बाहागोलानायनि उदांस्ति।

(x) गिख्रांनाय आरो अलसियानिफ्राय रैखा खालामनो थानाय आइननि उदांस्ति।

(xi) उदांस्तिथै आरो मानगोनाडै जिउखुंनायनि मोनथाइ।

(xii) गथ 'नि गोसोसिडाव थानाय गियाननि गेवलांसारनाय आरो जौगानायनि उदांस्ति।

सों 13. गथ' मावदांसा होबथानायनि थाखाय मा मा आयेन दं लिर।

फिन : गथ' मावदांसा होबथा आयेन 1986 बादियै 14 बोसोरनि सिंनि रावबो गथ'खौ दारिमिन, खारखाना एबा जेबो रोखोमनि खैफोद आफोद गोनां खामानियाव थिसननो मोननाय नडा। 1986 मायथाइनि गथ' मावदांसा होबथा आयेन बादियै भारत सरकारनि मावदांसा बिफाना 2006 मायथाइनि 10 जुलाइ खालारखालि मोनसे आयेन फोसावनानै गथ 'फोरखौ न 'खरारि खामानियाव थिसननाय, ह'टेल, रेष्टुरा, साहा गला, धाबा आरियाव खामानि मावनाय हाबाखौ खैफोदगोनां खामानि होनना मानिना लादों आरो गथ 'सा थिसननायखौ हेंथा होबोदों।

2006 मायथाइनि 10 अक्ट' बरनिफ्राय मावफुंजानाय बे हेंथा होनायखौ मानियि मानसिनि सायाव नैजि रोजा जरिमाना एबा बोसोरसे साजा नडाब्ला मोननैबो साजायानो बाहायजागोन।

गुबुन फारसेथिं भारतारी साजा आइन (Indian Penal Code) 363 (क) बायदियै बिनाय एबा मागिनायनि थाखाय गथ 'खौ खावनाय एबा पंगु खालामनाय दायनिगिरिखौ साजाहोनायनि आइन दं।

सों 14. एइदस आरो एइस. आइ. भिनि फुरा मुडा मा? मा मा जाहोनाव एइस आइ भिआ सासे मानसिनिफ्राय गुबुन मानसिनिसिम बारस्लायनो हागौ?

फिन : AIDS नि ओंथिया Acquired Immunodeficiency आरो HIV नि ओंथिया Human Immunodeficiency Virus.

HIV आ जेब्लाबो थै आरो आथोनारि सोमोन्दोजोंसो बारदेरो। HIV गोनां सासे मानसिनि थैखौ गुबुन सासे मानसिनि देहायाव सोयोब्ला AIDS बेराम जानो हागौ। बेजी सिथा बायदि लानायाव एबा होनायाव जेब्लाबो फोसाबनाय आइजें बाहायनांगौ। गुबुनफारसेथिं मिथियै

मानसिजों आथोन सोमोन्दो खालामनायखौ एंगारनांगौ। हौवानि बिरजो आरो हिन्जावनि फिसाख' आव बे बेरामनि जिवसाया जमा जाना थायो। बिब्दियै जोनोम मोननाय गथ'आबो AIDS बेरामजों नाखेबजायो होनना फाहामथाइ बिगियाना बुंदों।

सों 15. गथ 'सा साननि गोनांथिखौ बेखेवना हो।

फिन : बहुमनि गंनै गेदेर दावहाया बहुमनि सुबुंफोरखौ गोसोखांहोदोंमोन खुदियाफोरनि मोनथाइखौ थार खालामनाय। मानोना दावहानि समाव बांसिनै गथ' एबा खुदियाफोरानो दुखु जानांगौ जायो। बाराद्रायखौ मा बुंनो, खुदियाफोरनि आखाइयाव हाथियार दैखांना होनायनिबो बिदिन्थि दं। 1925 मायथाइनिफ्रायनो खुदियाफोरनि थाखाय जर 'खा सान हिसाबै सानलायनाय जादोंमोनब्लाबो एबा खायसे हादोरा फालिदोंमोनबो, अब्लाबो 1954 मायथाइयाव हादरारि आपादनि (United Nations) जफोसाबथाया 20 मबेम्बरनि सानखौ गथ'सा साननि महर होबाय।

जोंनि हादराबो गाहाय मन्थि जवाहरलाल नेहरुनि जोनोम सानाव 14 नबेम्बर सानाव गथ'सा सान हिसाबै फालिबोनाय जादों। बे राजखान्थिगिरिनि थैनायनि उनाव बिथांनि जोनोम सानखौ खुदिया सान हिसाबै फालिबोदों। मुंख'नोगोनांदि बे सानखौ बन्द महरै फालियाबालानो खुदियानि मान, गोहो, बायदिखौ गोजों खालामनो खाबु होनाय जायो। नेहरुवा जादोंमोन खुदियाफोरनि आंगो, जाय मादै नेहरु मुडै खुदियाफोरनि गेजेराव आंगो जानो हादोंमोन।